



Khutba Jummah

HADHRAT MUHYI-UD-DIN AL-KHALIFATULLAH

Munir Ahmad Azim

08 Septembre 2017
(16 Dhul-Hijjah 1438 AH)

Après ki li fine salué tous so bane disciples (et tous bane Musulmans) entier le monde avec le Salaam - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor « Surah Al-Ma'oune (Ch. 107) »:

SURAH AL-MA'OUNE (CH.107) – CHOSE KI SERVI COURAMMENT

بِسْمِ اللَّهِ الرَّحْمَنِ الرَّحِيمِ ○ أَرَأَيْتَ الَّذِي يُكَذِّبُ بِالدِّينِ ○ فَذَلِكَ الَّذِي يَدُعُّ الْيَتِيمَ ○
وَلَا يَحْضُ عَلَى طَعَامِ الْمِسْكِينِ ○ فَوَيْلٌ لِلْمُصَلِّينَ ○ الَّذِينَ هُمْ عَنْ صَلَاتِهِمْ سَاهُونَ ○
الَّذِينَ هُمْ يُرَاءُونَ ○ وَيَمْنَعُونَ النَّاعُونَ ○

1. Bismillah-ir-Rahman-ir-Rahim
2. Ara aytallazii yukazzibu bid Diin.
3. Fa zaalikallazii yadu-'ul yatiim,
4. Wa laa yahuzzu 'alaa ta'aamil miskiin,
5. Fa-waylul lil musalliin,
6. Allaziina hum an-salaati-him saahuun,
7. Allaziina hum yuraaa'uuna,
8. Wa yamna-'uunal Maa'uun.

1. *Au nom d'Allah, Le Très Gracieux, Le Très Miséricordieux*
2. *Eski to fine trouve celui qui refuse croire dans le Jugement ?*
3. *C'est ça qualité là même qui repousse l'orphelin*
4. *et pas encourage donne manger aux pauvres.*
5. *Malheur à bane qui prier,*
6. *sans faire bien attention à zot salaas (prières).*
7. *qui prier pour lizié dimoune*
8. *et refuse (à zot voisin) même des choses qui servi couramment.*

Ça chapitre là traite lors la signification et vraie façon pour prier Allah. Nous bizin éna ene conviction et ene l'attention ferme dans nous la prière ; nous bizin éna ene l'esprit pratique et ene volonté sincère en aidant nous prochain. C'est avec ene sincérité absolu, au lieu d'ene l'esprit arrogant pou montrer dimoune, ki tout bane Musulmans bizin démontrer kan zot pé faire zot dévotion et bane actes de charité. Tout adoration pour sans aucaine valeur si pas mette lécoeur, l'âme et conscience là-dans. Nous bizin faire nous la prière avec sincérité, et ene compréhension et avec ene concentration sans défaut.

Versets 2&3 : Ara aytallazii yukazzibu bid Diin. Fa zaalikallazii yadu-'ul yatiim - « Eski to fine trouve celui qui refuse croire dans le Jugement ? C'est ça qualité là même qui repousse l'orphelin »

Le mot « *Diin* » ici veut dire (1) le jour du jugement, la responsabilité dans le monde moral et spirituel, pour tout bane actions ki l'homme faire, ou (2) La foi, la religion, bane principes du bien et du mal dans bane zaffaires spirituel ki souvent li en conflit avec bane désirs égoïstes et avec bane préférences personnel.

C'est bane ki rejette la foi ou la responsabilité futur ki traite bane faibles avec mépris et c'est zot ki amène zot la vie avec égoïsme et arrogance. Allah content nous tout. Ki faire alors nous bizin méprise bane faibles et bane pauvres ?

Versets 4 : Wa laa yahuzzu 'alaa ta'aamil miskiin - « et pas encourage donne manger aux pauvres. »

Ou bizin ena l'esprit de charité ou l'amour pour ou prochain. La charité et l'amour pou ou prochain et action pou nourri bane les autres sans ki ou pense à ou propre l'état, ça li ene forme de vertu ki bien noble; bane ki pas ressenti ça l'amour là li pas vine sensible à

la misère de bane dimounes ou même zot empêche et méprise la vertu de charité et bane bonté.

Verset 5 & 6 : Fa-waylul lil musalliin, Allaziina hum an-salaati-him saahuun - « *Malheur à bane qui prier, sans faire bien attention à zot salaas (prières)* ».

Vrai façon adorer et pour servi Allah li pas zis en forme de la prière, sans ki lécoeur et l'esprit et la conscience pas là-dans et ki nous sincère ; bizin ki nous réalise présence Allah et ki nous comprend So volonté et nous applique ça.

Verset 7 : Allaziina hum yuraaa'uuna - « *qui prier pour lizié dimoune* »

Laisse nous compare ça avec Ch.4 (Al-Nisa) V.143 dans Quran kot Allah dire : « *Kan zot (c'est-à-dire, bane hypocrites) lèvé pour prier, zot lever avec paresse ; zot faire ça zis pour lizié dimoune, et zot rappel Allah bien moins* ».

Regard et l'attention de l'homme pas compter pour rendre nous bane la prières valable; Allah pé guette nous, Li pé écoute nous, Li tende tout; nous courber humblement devant Li; et si nous pense Li avec sincérité, Li pour pense nous. Nous pas bane hypocrite ki, kan nous faire ene kitchose, l'esprit pas là.

Verset 8 : Wa yamna-'uunal Maa'uun. - « *et refuse (à zot voisin) même des choses qui servi couramment* »

Bane hypocrites faire ene grand étalage de zot bane actes de bonté, de dévotion et de charité, mais ça bane actes là zot vides. Kan mette zot à l'épreuve, pour faire bane actes de charité pour aide zot prochain, pour faire bane actes de politesse et de bonté de la vie, zot faillir dans tout ça là.

Compare bane versets 265 et 266 dans Chapitre 2 (Al-Baqara) dans Quran.

O ou qui éna la foi, na pas faire ou charité perdi so valeur par ene rappel de ou générosité ou par du mal, couma celui qui dépense so l'argent pou lizié dimoune, et qui pas éna la foi dans Allah et le dernier jour. Sa, li pareil comme ene roche lors qui éna un peu la terre. Ene gros la pluie tombe lors là, et quitte li découvert. Zot pas pou capave faire narien avec ce qui zot fine ramasser, et Allah pas guide dimoune qui rejette la foi. (Al-Baqara 2: 265).

Bane qui dépense zot l'argent et cherche faire plaisir à Allah et renforce zot propre nâme, zot pareil comme ene jardin lors ene hauteur. Ene gros la pluie tombe lors li et doubler so rapport. Même si ene gros la pluie pas tomber, ene la rosée suffit. Allah observe ce qui ou faire. (Al-Baqara 2: 266).

Alors, ou trouver couma Allah condamne l'hypocrisie dans le domaine de la religion, et aussi dans le domaine de nous la vie de tous les jours. Bane bons actions bizin tout les temps faire avec ene bon l'intention et avec la crainte d'Allah dans lécoeur. Si bane actions faire zis pou lizié dimoune, alors sa pas pou profite en nannié à ça dimoune là. Au contraire, tous so bane actions pou perdi zot valeur devant lizié d'Allah.

Ki Allah aide nous pou tous les temps faire bane actions ki pou faire Li plaisir, pou aide nous prochain, et pou faire bane tels actes d'*Ibaadat* (d'adorations) pou vine pli près avec Li et pou amène l'humanité vers le *Tawheed*, vers So l'unicité, sans aucaine motif ingrat, mais avec ene l'intention sincère pou gagne le plaisir d'Allah, pou ki Allah content avec nous ki li lors ça la terre là et dans *Aakhérat* (l'au-delà). *Insha-Allah, Ameen.*